


## Oorwinningslied

Ek sien in my gees die glorie  
en die almag van die Heer  
Die Allerhoogste wat in liefde  
oor sy koningryk regeer  
Hy't belowe aan die einde  
op die wolke kom Hy weer  
Hy is Koning Hy regeer  
Loof Hom, prys Hom Halleluja  
Hy is Koning Hy regeer  
Die Here is ons Vesting  
wat vir altyd sal bly staan  
Hy beskerm elke mens wat in  
geloof na Hom toe gaan  
Hy's ons Skuiling, Hy is ons Wapen.  
Hy het die vyand reeds verslaan  
Hy is die Rots wat ewig staan  
Kom deel nou in ons loflied  
hef jou hande op na bo  
Blaas basuine, slaan op tromme  
En kom dans voor God se oë  
Kom leef in die oorwinning  
van sy Woord waarin ons glo  
Want sy Woord sal ewig staan  
Loof Hom, prys Hom Halleluja  
Sy Woord sal ewig staan  
Sy Woord sal ewig staan  
God se Woord sal ewig staan



*U ondersteuning, liefde en gebede dra ons deur hierdie moeilike tyd. Nogmaals baie dankie aan elkeen wat hier is en almal wat graag hier sou wou wees.  
Kotze Familie*

Sumelo (054) 332 3373

# In Liefdevolle Herinnering



## HANLU KOTZE

09.08.1971 • 18.05.2021

In Liefdevolle Herinneringe aan

# Hanlu Kotze



Die gedenkdiens vind plaas op  
Dinsdag, 25 Mei 2021, 10h00  
vanuit Upington-Wes NG Kerk.  
Word gelei deur Ds Leonie Pistorius.

**Skriflesing:**  
1 Johannes 1: 1-4

**Huldeblyk en Bedankings:**  
Pastoor Wynand Terblanche

## Roubrief:

Ons Hemelse Vader het dit so beskik dat ons geliefde eggenoot,  
pa en vriend deur die dood van ons weggeneem is.

Ons treur oor sy heengaan, maar in ons droefheid is ons  
dankbaar teenoor die Here vir die lewe wat aan hom gegun was.

Ons hou vas aan God se belofte dat Hy ons smart verlig,  
dat Hy ons met Sy liefde en krag bystaan en dat Hy verder met ons gaan.

Ons troos ons ook in die woorde van Jesus:

“Ek is die opstanding en die lewe.

Wie in my glo sal lewe, al het hy ook gesterwe”

Ons eer sy nagedagtenis met liefde.

Van sy eggenoot; Yolande, kinders; Liesie, Basie en Henco.



## Lied 292

My enigste troos in lewe en dood  
Is dat ek aan Jesus Christus behoort  
Met sy kosbare bloed het Hy my vrygekoop  
Dis my anker, my vaste hoop.  
Ek behoort aan die Here  
Niks sal my ooit van Hom kan skei  
Met sy kosbare bloed het Hy my vrygekoop  
Dis my anker, my vaste hoop.

## Lied 284

Laat Heer, u vrede deur my vloei  
Waar haat is, laat ek daar u liefde bring  
Laat ek in pyn en smart vertroostend wees  
En krag gee deur geloof in U, o Heer

## Koor

**O Heer, help my om altyd so te leef  
Om ander hoër as myself te ag  
Ja, om lief te hê- ander bo myself  
En ook eerder te gee as te verwag.**

Laat, Heer, u vrede deur my vloei...  
En laat ek hoop gee waar daar twyfel is  
Ek wil u lig in duisternis laat skyn  
Laat ware vreugde altyd uit my straal.

Laat, Heer, u vrede deur my vloei...  
Leer my om ook soos U te kan vergeef  
Maak my bereid om aan myself te sterf  
Dat ander U al meer in my kan sien.

